

Multum expedit Republicæ, virtuosos nõ  
negligere, malosq; & sceleratos non tueri.

Quemadmodũ in so-  
le ambulãtes umbra  
sequi consuevit, ita p  
virtutis semitas ince-  
dentes, inuidia cõco-  
mitetur necesse est.

**W**e wol die eygenschafft der tugendt vnd warheyt ist / das  
die allweg geneydet vnnnd durch veindschafft verfolget  
wirdet / noch; dann solt du vnngeachtet desselben / allen vleiß  
geprauchen / der tugendt vnd erberkeit zu yeder zeyt beystannnd zu  
thun. Vnnnd dawider auß lieb gonst forcht oder haß nichtzit bes  
schwerlichs oder verhinderlichs fur zunemen. Dann ob wol die  
verfolgung der warheit beschwerlich / ist / doch dagegẽ ein erber  
gemüte vnd rechte conscienz / die vns zu handthabung der war  
heit vnd fromkeit bewegt / im leben vnd tod ein hoher trost / vnd  
dabey gewiß / das die warheyt vnd handthabung der selben im  
ende zu yedem mal den sig behalten wirdet.

Wer wil der warheyt beygestan /  
Der muß gar vil durchlechter han.